

կու շինեն մեծամեծ, եւ բարձր խուլայք. եւ
 10 թէլի վրայով անտից ի վայր կ'իջեցնեն: Եւ
 յաշխարհս ինչ խաղ եւ օյին կայ, այն երկու
 շարաթն պիտոր ցուցանեն: Եւ իշխանք, պա-
 րոնայք, քաղաքացիք, մեծամեծք եւ տնանկք,
 արք եւ կանայք, նաեւ տնարդել աղջկունք ի
 15 պատուհանս սէճատախալիք, այլք խատիՓայ
 ձգեն եւ անտի հային, այլք յերկրէ: Եւ այն
 օրերն մեծ սէիրնի եւ թամաշանի կու լինի,
 որպէս Մըսրր սույ քէսիմին մուխղասիպ վո-
 խիւն, եւ Մէհմէտի օրգու տանիւն:

ՀԱՆԳԵՍԻՍ ՄԵՐ ՊԱՀՈՅ

20 Եւ սահմանք է որ յաղցաց ամէն կիրակին
 մէկ ժամ մի պիտի զնայ մեծ սալթանաթով
 Փափն: Եւ յորժամ զնալոց էր, այն ժամն
 պիտի յոյժ զարդարէին զանազան կերպատովք
 եւ լիպանով. եւ քան զաստեղս բազում կան-
 25 զեղք կախեն եւ այլոց խաչ շինած մեծ, զորս
 կախ եւ զորս կանկուն աղղ եւ աղղ երանգովք,
 ոմն սպիտակ, ոմն կարմիր, ոմն կանաչ, ոմն
 լուրջ եւ զեղին, որ աչք մարդոց խամաշմիչ
 կու լինի: Եւ զայ Փափն բազմախումբ ժո-
 30 զովրդօք, քահանայիւք եւ կղերիկոսօք, խա-
 չալամով, ջահիւք եւ լապտերօք, մոմովք եւ
 ինկովք, խաչիւ եւ աւետարանաւ եւ ամենայն
 զարդիւք. եւ զկնի զինովորք եւ իշխանք եւ զօ-
 լաղլուիք: Եւ երբ կատարի պատարազն,

9 շինէն: — 15 պանուհանս: — 30 կղերիկօսօք: